



AUTORIDADE
MUNICIPAL DE
COVALIMA



Presidente Autoridade do Município de
COVALIMA
ADMINISTRAÇÃO POSTU
ADMINISTRATIVU FOHOREM

RELATORIU TRIMESTRAL (Q1) PERIODU JANEIRU – MARSU 2026

POSTU ADMINISTRATIVU FOHOREM

MUNISIPIU COVALIMA



INTRUDUSAUN;

Uluk nanain hakarak ható'o no agradese ba aman maromak nebe'e fo ona kbiit, forsa no grasa ba ami hodi ami bele'e elavora relatoriu no halo ona relatoriu ida ne'e to'o finalize, relatoriu actividades ida ne'e ami halo baseia ba actividades saida ma kami realiza ona dunrate fulan tolu (3) nia laran hahu husi janeiru-marsu tinan 2026, Relatoriu ida ne'e mos ami implementa baseia ba ami nia planu mensal nebe'e mak postu iha prepara iha kada fulan, no iha kada aktividade iha mos ninia faktos imajem sira.

Geografikamente Postu Administrativu Fohorem kompostu husi suku 4 mak hanesan; Suku Dato-Tolu, Lactos, Dato-Rua ho Fohoren ho nia aldeia sanulu resin lima (15) mak hanesan; Aldeia Natardik, Fatuk kabuar kraik, Fatuk kabuar Leten, Aululic, Fatuk laran, Calobor, Cacaut, Halihun, Aitos, Fatulidun, Fatuk bitik, Fatuk Laran, Lo'o Hali, Sadahur ho Loroquida.

Planu Estratégiku Dezenvolvimentu Nasionál 2011-2030 sai hanesan vizaun ida ne'ebe inspira no motiva povu Fohorem hanesan baze ne'ebe forti no próspere ba moris diak ema hotu nian. Ne'ebe define liu hosi objektivu ha'at política desentralizasaun administrativa nian: dezenvolvimentu setór privadu iha área rural sira; kria oportunidade foun sira ba partisipasaun demokrátika; promove instituisaun sira iha Estadu ida forte; no estabese prestasaun servisu públiku nian sira ho efetivu, efisiente no ekitativu.

Objektivu;

1. Atu iha responsabilidade ba iha aktividade sira nebe'e mak implementa ona durante fulan 3 hahu husi janeiru –Marsu 2026
2. Produsaun relatoriu trimestral ida ne'e mos atu relata ba iha Autoridade munisipiu Covalima hodi bele'e hatene tuir aktividade nebe'e mak halo ou atinji ona durante fulan tolu (3) nian laran
3. Aumenta funsionariu Postu nia kapasidade iha prosesu elavorasaun relatoriu hodi nune'e iha kada seksaun no iha administrasaun Postu Administrativu bele'e iha responsabilidade nudar servidor estadu nian.

Mapa Postu Fohorem

Aktividades sira nebe'e mak Postu Administrativu Fohorem realiza ona iha primeiru trimestral (Q1) Janeiro-Marsu 2026

1. Hahu husi fulan janeiru mai to'o iha fulan Marsu funsionariu Postu Administrativu halo limpeja jeral iha area postu administrativu no apoiu halo limpeja iha aldeia ano suku sira ho total funsionariu sira nebe'e mak halo limpeja Feto; 8 Mane; 35



2. Iha loron kuarta feira no loron segunda to'o Kuarta Iha dia 14,19-21 de janeiru 2026 halo enkontru ho konselu suku 4 ho nia objektivu atu halibur ficha familia uma kain husi kada aldeia no nia resultadu mak konsege elavora ficha familia no entri ba dadus Monografia ho demografia suku ha'at nian, ho nia total partisipantes husi suku 4 mak, Feto;17 Mane: 38 Fatin ekontru iha Sede suku 4, ho ni resultadu mak iha tabela.

No	Suku	Aldeia	Total uma kain	Abitante		Total abitante
				Mane	Feto	
1	DATO-RUA	HALI-LARAN	165	324	292	616
		FATULLIDUN	73	138	135	273
		AITOS	95	178	187	365
	Total	3	333	640	614	1254
2	LACTOS	Aululic	94	163	173	336
		Cacaut	122	254	216	470
		Calobor	104	183	195	378
		Fatuk Laran	102	179	183	362
	Total	4	422	779	767	1546
3	DATO-TOLU	Fatuk Kabuar Kraik	141	228	253	481
		Fatuk Kabuar Leten	112	237	220	457
		Natardik	206	421	377	798
	Total	3	459	886	850	1736
4	FOHOREN	Lo'ohali	64	124	116	240
		Fatuk Laran	94	187	169	356
		Sadahur	139	258	275	533
		Loroquida	75	158	150	308
	Fatuc B. Laran	80	142	164	306	
Total	5	452	869	874	1743	
Total Postu		15	1666	3174	3105	6279



3. Iha loron kinta feira data 15 de janeiru de 2026 Partisipa enkontru anual ba avaliasaun aktividade Servisu Saude Komunitariu Postu Fohorem ho nia objektivu SSK atu apresenta progresu, dezafiu no rekomendasaun balu iha tinan 2025 nebe'e mak halao tiha ona.aktividade ne'e hetan partisipasaun husi; Diretor Saude Munisipiu, Xefe departementu saude Munisipiu, kordenador Ssk Fohorem, APA postu ho funcionariu MAE iha Postu Fohorem.



4. Iha loron sexta feira data 16 de Janeiro de 2026 realizasaun enkontru ho veteranus sira Salaun Administrasaun Fohorem no objektivu husi enkontru ne'e mak atu halo preparasaun no forma komisaun permanente ba komemorasaun loron akontesementu hanesan loron historiku nebe'e mak akontese iha tinan 1976 ho nia total participantes; F;4 M;12, Resultadu husi enkontru ne'e mak;
- Identifika Loron akontesementu Loro Malik iha dia 11 de Febreiru no desedi hamutuk hodi komemora iha kada tinan
 - Identifika naran ba akontesementu loro malik
 - Hari komisaun provizoriu hodi responsavel ba aktividade Loro Malik



5. Iha loron kinta feira dia 29 de janeiru 2026 Abertura programa WORD VISION iha Salaun Parokia Fohorem konaba hakbit foin sae sira ba kresimentu ekonomia inklusivu igualidade jeneru , iha enkontru ne'e hetan partisipasaun husi; Project Manager W.Vision, Diretor Telemor, Postu fokal SEI, Project Kordinator W.Vision, Diretor ESGP Nutetu Fohorem, Xefe suku,Xefe Aldeia, Joventude no Estudante sira. Resultadu husi enkontru ne'e mak hetan partisipasaun maximu husi joventude ho estudante sira Postu fohorem no husi SEI apresenta mos konaba Igualidade jeneru no motivaun husi Word Vision mak husu ba joventude sira atu prepara a'an hodi sai autor ba Dezemvolvimentu iha Postu Fohorem.



6. Iha loron sexta feira dia 30 de janeiru de 2026 halo lansamentu kuda ai-oan iha suku Lactos nebe'e mak apoiu husi parseiru governu Word Vision



7. Iha data;2,3,5,9 ho 12 de febreiru 2026 halo vijita trabalu ba iha aldeia 10 (Natardik,F.K.L,F.K.K,Aululic,Calobor,Aitos,Fatuk Bitik,Lo'o Hali,Sadahur ho Fatuk Laran, ho nia total partisipantes;F;181 m;295

Objektivu husi vijita trabalu ne'e mak;

1. Halo konsultasaun ba programa no avaliasaun servisu suku no Aldeia sira
2. Identfika problema suku ho Aldeia
3. Avaliasaun servisu konselu suku
4. Konsolida ideas nebe'e neserariu
5. Trasa planu

Enkontru ne'e diriji husui Administrador Postu Administrativu Fohorem ho ekipa postu mak hanesan;

1. APA Postu
2. Xefe Sentru Saude Postu Fohorem
3. Kordenador agrikultura Postu Fohorem
4. OPS Suku
5. Kordenador MSS Postu Fohorem
6. Funsionariu Postu Fohorem

Resultadu husi enkontru ne'e mak konsege identifika problema no hetan isu balu iha nivel aldeia ho suku no ekipa postu mos fo motivasaun no fo korajem ba konselu suku sira atu bele'e servisu hamutuk no unidade hodi halao servisu.



6. iha data 19-20 de febreiru 2026 Fasilita konselu suku Lactos, suku Fohorem, Suku Dato-Tolu ho Dato-Rua hodi produs planu PDK suku, enkontru ne'e halao iha Sede suku 4 ho nia objektivu atu produs planu PDK suku hodi nune'e suku bele'e hatene ninia prioridade no planu rasik ba tinan 5 nian hahu husi 2026-2030 total partisipantes nebe'e mak participa iha enkontru ne'e mak suku Lactos ho nia total partisipantes F: 18 mane : 52

Resuldatu husi enkontru ne'e mak konsege produs duni planu PDK suku nian no konsege identifika Forza, Fraquia, Oportunidade no Ameasas sira ikus mai hamosu planu ba tinan lima

Halo diskusaun PDK suku Fohoren



Halo diskusaun PDK suku Lactos



Hakerek historia suku Lactos ho katuas lianain sira

7. Iha data 02-03-2026 enkontru iha salaun Administrasaun Munisipiu Covalima konaba sosialisasaun programa PNDS



8. Iha dia 03-03-2026 partisipa iha komemorasaun lora veteranus iha CCLN Munisipiu Covalima



9. Iha dia 11-03-2026 participa iha vijitasaun S.E Primeiru Ministru iha Administrasaun Munisipiu Covalima



10. Iha dia 13 de Marsu 2026 Enkontru iha Centru Comunidade Covalima nebe'e mak fasilita husi WORD VISION konaba kompetisaun igualdade jeneru no iha loron sexta feira dia 13 de janeiru ne'e mos forma konselu iha Postu fohorem konaba programa JICA nian hodi haforsa lei tara bandu



11. Iha data 16-03-2026 Enkontru ho APA postu iha salaun A.P.Fohorem hodi halo avalisaun ba aktividade Q1 nia iha enkontru ne'e partisipa husi funsionariu sira hotu iha postu ho nia total partisipantes mak f; 4 mane; 17 ho nia resultadu mak Administrador Postu Administrativu Fohorem husu ba funsionariu sira atu servisu ho seriedade no servisu makas liu tan atu halo mudansa ba postu fohorem no husu mos ba funsionariu sira atu iha disiplina servisu ho pontualidade.



12. Iha loron sabadu dia 21 de marsu 2026 enkontru ho Diretor eskola EBC, Diretor ESGP Nutetu, kordenador eskola EBF ho professor/a sira hotu iha iha EBC Fohorem ho nia objektivu atu konsultasaun programa no avalisaun servisu ba programa edukasaun nian Total partiipantes, Feto; 5 Mane; 19. Resultadu husi enkontru ne'e mak halo identifikasaun ba problema nebe'e mak eskola ne'e rasik iha no hetan mos apresentasaun susesu saida mak eskola halo ona husi Direto EBC ho ESGP halo ona iha tinan kotuk, enkontru ne'e diriji husi Administrador Postu Administrativu Fohorem, Xefe Servisu local PDL, Xefe servisu local komunitariu ho funsionariu agente postu



13. Iha loron kinta feira dia 26 de Marsu de 2026 realizasaun Assembleia Postu

Administrativu Fohorem ho nia ordem trabalu mak hanesan;

- ✚ Apresentasaun planu implementasaun no prioridade 2027 husi PNDS
- ✚ Apresentasaun dadus demografia, Monografia no relatoriu kondisaun suku no mudansa populasaun husi suku Dato-Tolu
- ✚ Fo parser ba planu annual postu Administrativu (PAA,PO,PFARH) tinan 2026 husi xefe seksaun finansas
- ✚ Apresentasaun planu servisu annual 2026 Administrasaun Postu husi SL.PDL
- ✚ Re-estrutur ba membr

Asemblei postu ne'e mos hetan observaun direita husi; Presidente Autoridade Munisipiu Covalima, Asesor Partisipa ho Diretor SPID, resultadu husi assembleia postu ne'e mak hetan aprovasaun programa PNDS ho nia votus afavor 19, Kontra 0, Abstensaun 0 no hetan mos aprovasaun programa tolu SPID nian mak hanesan; 1. Konstrusaun EBC Fohorem ho votus Afavor 17 Kontra 0, Abstensaun 0, 2.bronjong Motur ho votus afavor 16 Kontra 0, Abstensaun 0, Rehabilitasaun EBC Dato-Tolu ho votus afavor 16 Kontra 0, Abstensaun 0

Ho nia total partisipantes m;42 F;10



14. Iha loron sabadu dia 28 de marsu de 2026 realiza enkontru iha EBC Dato-Tolu no enkontru hetan partisipasaun husi; Diretor EBC, Inspetor edukasaun Munisipiu, Arjuntu, Xefe Gat professor ho profesora hotu iha EBC Dato-Tolu ho nia Objektivu mak atu halo konsultasaun no avalisaun ba servisu EBC Dato-Tolu nian ho nia ordem trabalu mak hanesan;

- ✚ Avaliasaun merenda escolar
- ✚ Konsesoens escolar
- ✚ Disiplina sesvisu
- ✚ Trbalu unidade

Resultadu husi enkontru ne'e mak enkontru lao ho diak no hetan partisipasaun maximu husi professor/a sira durante halo diskusaun no iha diskusaun mos Administrador Postu Administrativu husu atu servisu iha Unidade, Rona malu ho fiar malu atu lori eskola EBC Dato-Tolu ne'e ba oin .



Problema nebe'e mak imfrenta durante implementasaun aktividade;

Iklima hanesan anin bo'ot ho udan bot

Susesu balu nebe'e mak durante fulan tolu iha Administrsaun Postu Administrativu (Janeiro – Marsu 2026 :

1. Oficial Assistente apoiu Administrsaun Postu Fohorem Sr. Julio Mendonca halo tradusaun tarefa sevisu husi portuguesa ba lian tetun tuir dekretu lei no hodi fahe ba seksaun sira nebe'e mak iha Postu Administrativu Fohorem
2. Prepara konvite no fahe konvite ba iha kada aktividade husi fulan janeiru to'o marsu 2026

3. Kompletu organografa postu nian hodi koloka funsionariu sira ba iha kada unidade 9 nebe'e mak iha postu administrativu
4. Prepara proposta no pedidu konaba monta lampu jalan iha area Postu Administrativu hodi hato'o ba iha EDTL,EP munisipiu Covalima
5. Prepara no hatama proposta ba iha Telemor konaba atu monta tore foun ba iha suku Lactos ho Dato-Tolu nebe'e mak problema ba iha linha komunikasaun/Jaringan
6. Apoiu Administrasaun hodi halo jestaun ba dokumentus sira

Lian mak taka;

Mak ne'e deit ami nia relatoriu ba aktividade nebe'e ma Postu Administrativu Fohorem implementa ona iha primeiru trimestral ba Q1 nian hahu husi janeiru – Marsu 2026, karik iha linguajem ka palabra balu mak ladun diak karik husu deskulpa no ami pruntu simu sujestaun ka hanoin foun balu hodi hadiak ami relatoriu iha future oin mai. Karik iha asuntu balu liga ho relatoriu ida ne'e ami husu bele'e fo feedback fali hodi ami bele'e hadia diak liu tan.

Fohorem, 01 de Abril de 2026;

Prepara husi;

Aprova husi;

(Julio Mendonça)

(Delfin Amaral Ferreira)

Ofisial Asis. Apoiu Tek.Adm.P.Fohorem

Administrador Postu Administrativu Fohorem